

藥城集卷第十三

詩八十六首

除夜

老去不自覺歲除空一驚深知無得喪久已罷經營  
黃卷譏前失清樽借後生何年遂踈懶伏膺任躬耕

種蘭

蘭生幽谷無人識客種東軒遺我香知有清芬能解  
穢更憐細葉巧凌霜根便密石秋芳早叢倚脩筠午  
蔭涼欲遣靡蕪共堂下眼前長見楚詞章

上元夜





新春收積雨明月澹微雲照水踈燈出因風遠樂聞  
天涯仍有節人事竟何分賣酒真拘束何時一醉醺  
次韻王適元夜二首

燈光欲疑不驚風月色初晴若發蒙羈客不眠詩未  
就遊人半醉夜方中荒城熠燿相明滅野水芙蓉亂

白紅知欲訪僧同寂寂應憐病懶畏燼燼  
宿雨初乾試火城端居無計半遊行厭看門外繁星  
動想見僧窻一點明老罷逢春無樂事夢回孤枕有  
鄉情重因佳句思樊口一紙家書百鎰輕

王子立與遲等遊陳家園橋敗幾不成行晚自

酒務往見之明日雨作偶爾成詠

桃李城東近不遙偶聞花發喜相邀斷橋似欲妨佳  
思好雨猶能借此朝隨分開樽依綠草偶然信馬及  
餘瓢重來莫道無閑暇紫燕黃鸝日漸嬌

幽蘭花二絕

李徑桃蹊次第開穠香百和襲人來春風欲擅秋風  
巧催出幽蘭繼落梅

珍重幽蘭開一枝清香耿耿聽猶疑定應欲較香高  
下故取羣芳競發時

胡長史祠堂



白首青衫仍隱居晚拋環堵就安輿生匆忽改蒸嘗  
地函丈空悲講解餘弟子瓊璫相照耀兒孫松桂共  
扶踈我来恨不瞻遺老空怪鄉鄰盡讀書

孫賓叟道人

萬里飄然不繫舟酒壚一笑便相投千金不換金丹  
訣何事惟須一布裘

新橋

六月長橋斷不收朱欄初喜映春流虹腰宛轉三百  
尺鯨背參差十五舟入市樵蘇看絡繹歸家鹽酪免  
遲留病夫最與民同喜卯酉忽忽無復憂

曾子宣郡太挽詞二首

族大徽音遠年高福祚多生兒盡龍虎封國裂山河  
象服驚初揜理文信不磨送車江郭滿咽絕聽哀歌  
又

安輿遍西北丹旆歷江湖存沒終無憾哀榮兩得俱  
新封崇馬鬣餘福薦浮圖家法蘋蘩在空堂始一虞  
曾子固舍人挽詞

少年漂泊馬光祿末路騫騰朱會稽儒術遠追齊稷  
下文詞近比漢京西平生碑版無容繼此日銘詩誰  
為題試數廬陵門下士十年零落曉星低



次韻王適一百五日太平寺看花二絕

遍入僧房花照眼細尋芳徑蝶隨行歸時不怕江波  
晚新有橋虹水上橫

小檻明窓曾不住閑花芳草遣誰裁但須匹馬尋幽  
勝攜取清樽到處開

又次韻遊小雲居

溪上浮花片片輕泝流登岸得山行僧房幽絕雲居  
小春日陰晴野色明永遠林棲真有道渴沮耕養亦  
忘情此身此意何年遂空使常談笑老生

次韻秦觀梅花

病夫毛骨日凋槁愁見米鹽惟醉倒忽傳騷客賦寒  
梅感物傷春同懊惱江邊不識朔風勁墻頭亦有南  
枝早未開素質夜先明半落清香春更好鄰家小婦  
學閑媚靚粧惟有長眉掃孤芳已與飛霰競結子仍  
先百花老苦遭橫笛亂飛英不見遊人醉芳草可憐  
物性空自知羞作繁華助芒昊

復次前韻答潛師

憐君古木依巖槁江西飲盡須彌倒野花幽草亦何  
為嶮韻高篇空自惱萬點浮溪輒長歎一枝過嶺仍  
誇早拾香不忍遊塵汗嚼藥更憐真味好道人遇物



心有得瓦竹相敲緣自掃誰知真妄了不妨令我至  
今思連老妙明精覺昔未識但向閑窓看詩草浮雲  
時起鳥四飛畢竟安能亂清昊

景福順老夜坐道古人搐鼻語

中年聞道覺前非邂逅仍逢老順師搐鼻徑參真面  
目掉頭不受別鉗槌枯藤破衲公何事白酒青鹽我  
是誰慚愧東軒殘月上一盃甘露滑如飴

畫枕屏

繩床竹簟曲屏風野水遙山霧雨濛長有灘頭釣魚  
叟伴人閑臥寂寥中

次韻王適留別

遠謫勞君兩度行復將文字試平衡干時豈為斗升  
祿聞道應忘寵辱驚未了新書誰與讀重留佳句不  
勝情決科事畢知君喜俗學消磨意自清

次韻子瞻特來高安相別先寄進適遠却寄邁  
迨過遊

老兄騎驟日百里據鞍作詩若翻水忽吟春草思惠  
連因之亦夢添丁子羣兒盡長堪一笑老馬臥餐何  
日起聞兄盡室皆舊人見面未曾惟遜耳遲年最長  
二十六已能幹父窮愁裏豫兒揚眉稍剛勁黨子溫



純無愠喜我兄憔悴我亦窮門戶久長負待爾但令  
戢戢見頭角旣倒囊空定何耻家藏萬卷須盡讀此  
外一簪無所恃船中未用廢詩書閉窗莫看江山美  
次韻子瞻端午日與遲适遠三子出遊

人生逾四十朝日已過午一違少壯樂日迫老病苦  
丹心變為灰白髮粲可數惟當理鉏耰教子藝稷黍  
誰令觸網羅展轉在荆楚平生手足親但作十日語  
朝游隔提攜夜臥困烝煮未歌唐棣詩已治芻靈祖  
七生際風雲富貴若騎虎奈何貧賤中所欲空齟齬  
次韻子瞻留別三首

公來十日坐東軒手自披雲出朝日山川滿目竟何  
有波浪翻天同一濕諸門迭出驚異狀間道懷歸終  
舊壁此行千里隔江河何人更問維摩疾

野人性似修行僧長願幽居近林麓南遷無計脫簪  
組西歸誰為栽松竹頭上白雲即飛蓋耳畔清泉當  
鳴玉洛川猶是冠蓋林更願高飛逐黃鵠

東西南北無住身竭末封胡四男子彫鏤不遣治章  
句爛漫先令飽文字疎慵嗟我厲之人生子夜中唯  
恐似傳家粗足不願餘同駕柴車還我里

次韻子瞻行至奉新見寄



四年候公書長視飛鴻背十日留公談欲作白蓮會  
筠州無可語者往匏瓜一遭繫賣酒長不在夜歸步  
還但一二僧耳  
江澹明月照清瀨心開忽自得語異竟非背音一樽  
談笑問萬事寂寥外欲同千里行奈此一官疑何年  
真耦耕舉世無此大

贈醫僧鑒清二絕

肘後醫方老更精鬚眉白盡氣彌清只應救病能無  
病豈是平生學養生

門人久作開堂老庭檜看成合抱圍它日浴堂歸洗  
背回頭還解放光輝

贈醫僧善正

老怯江邊瘴癘鄉城東時喜到公房歷言五藏如經  
眼欲去三彭自有方身厭遠遊安靜默術因多病更  
深長時時為我談尊宿曾入南公古道場

食菱

野沼漲清泉烏菱不直錢蟹肥螯正滿石破髓初堅  
節物秋風早樽罌夜月偏令人思淮上小舫藕如椽  
留滯高安四年有餘忽得信聞當除官真揚間  
偶成小詩書于屋壁

數間茅屋久蹉跎四見秋風入薜蘿北棹偶然追鴈



羽南公誰復伴漁簑三年賈傳驚吾老九歲劉郎愧  
爾多此去仍家江海上不妨一葉弄清波

洪休上人少年讀書以多病出家居泐潭為馬  
祖脩塔以三絕句來謁答一首

早除即將少年狂祖塔結緣歸故鄉習氣未消餘業  
在逢人依舊琢詩章

勉子瞻失幹子二首

人生本無有衆幻妄聚耳手足非吾親何況妻與子  
偶來似可樂強作室家喜忽去未免悲欣成要矜毀  
家兩歲兒畢竟何自始變化違初心涕泗劇翻水

吾儕近始悟造物聊復試道力竟未完聰明信難恃

又

破甑不復顧彼無愛醜心棄壁負赤子始驗愛子深  
誠知均非我胡為有不能一從三界遊久被百物侵  
朝與喜怒交莫與寵辱臨四物皆不勝生死獨未曾  
不經大火燒熟為真黃金棄置父子恩長住旃檀林

偶遊大愚見餘杭明雅照師舊識子瞻能言西  
湖舊遊將行賦詩送之

五年賣鹽酒勝事不復知城東古道場蕭瑟寒松姿  
出遊誠偶爾相逢亦不期西軒吳越僧施擔未多時



言住西湖中巖谷涵清漪却背閭井喧曲盡水石奇  
昔年蘇夫子杖屨無不之三百六十寺處處題清詩  
麋鹿盡相識况乃比丘師辯淨二老人精明吐琉璃  
笑言每忘去蒲褐相依隨門人几杖立徃徃聞談詞  
風雲一解散變化何不為辯入三昧火外塔長松歎  
淨老不復出塵尾清風施蘇公得罪去布衣拂霜髭  
空存壁間字鬱屈蟠蛟螭知我即兄弟微官此棲遲  
問何久自苦五斗寧免飢俯首笑不答且爾聊教嬉  
我兄次公狂我復長康癡反復自為計定知山中宜  
但欲畢昏娶每為故人疑君歸漫漶掃野鶴非長羈

將移績溪令

坐看酒壚今五年恩移巖邑稍西還  
乞丘貧富隨天與何日身心聽我閑  
山栗似拳應自飽蜂糖如土不須慳  
仲卿意向桐鄉好身後烝嘗亦此間

約洞山文老夜話

山中十月定多寒纔過開爐便出山  
堂衆久叅緣自熟郡人迎請怪忙還  
問公勝法湏時見要我清談有夜閑  
今夕客房應不睡欲隨明月到林間

將之績溪夢中賦泊舟野步

扁舟逢野岸試出步崇岡山轉得幽谷  
人家餘夕陽



被畦多綠茹堆屋剝黃梁深羨安居樂誰令志四方  
謝洞山石臺遠來訪別

竄逐深山無友朋往還但有兩三僧共遊渤澥無邊  
處扶出須彌最上層未盡俗緣終引去稍暗真際自  
虛澄坐令顛老時奔走竊比韓公愧未能

贈方子明道人

水銀成銀利十倍丹砂為金世無對此人靳術不肯  
傳闔戶泥墻畏天戒今子何為與我言人生貧富寧  
非天鉗鎚索齋枉心力齏鹽布褐隨因緣我來江西  
晚聞道一言契我心所好廓然正若大虛空平生伎

倆都除掃子言舊事淨慈師未斷有為非淨慈此術  
要將救飢耳人人有命何憂飢

回寄聖壽聰老

五年依止白蓮社百度追尋丈室遊睡待磨茶長展  
轉病蒙前藥久遲留贊公夜宿詩仍作巽老堂成記  
許求回首萬緣俱一夢故應此物未沉浮

乘小舟出筠江二首

短舫漂浮真似葉小蓬低淺僅如巢幽吟但覺山川  
走因睡不知風雨交紅飯白醪供醉飽青蓑黃蘗可  
纏包一竿鶴髮它年事萬斛龍驤任見嘲



官遊欲學林間鵠每到新年旋疊巢蓬弱籠船聊似  
屋漁樵把筆便成交不妨袖裏攜詩卷尚可床頭置  
藥包古史欲成身愈困客來未免答譏嘲

寄題孔氏顏樂亭

顏巷久已空顏井固不遷荆榛翳蔓草中有百尺泉  
誰復飲此水裹飯耕廢田有賢孔氏孫芟夷發清源  
廢床見縷刻古甃昏苔痕引瓶注瓢樽千歲忽復然  
嗟哉古君子至此良獨難口腹不擇味四體不擇安  
遇物一皆可孰為我憂患阮生未忘酒嵇生未忘鍛  
欲忘富貴樂託物僅自完無託中自得嗟哉彼誠賢

徐孺亭

徐君鬱鬱澗底松陳君落落堂上棟澗深松茂不遭  
伐堂毀棟折傷其躬二人出處勢不合譬如日月行  
西東朝為賓主兩相好一榻挂壁吹清風人生偶合  
何必同一朝利害更相攻先號後笑不須怪外物未  
可疑心曾比干諫死微子去自古不辨汙與隆我來  
故國空歎息城東舊宅生茅蓬平湖十頃照清廟獨  
畫徐子遺陳公二人皆合配社稷胡不相對祠堂中

滕王閣

客從筠溪來歌仄因一葉忽聞章貢餘滉蕩天水接



風霜出州渚草木見毫末勢奔西山浮聲動古城業  
樓觀却相倚山川互開闔心驚魚龍會日送鳧鴈滅  
遙瞻客帆久更悟江流闊使君東魯儒府有徐孺榻  
高談對賓旅確論精到骨餘思屬湖山登臨寄遺堞  
驕王應笑滕狂客亦憐勃萬錢罄一飯千金賣豐碣  
豪風相凌蕩俳語終倉猝歐陽文忠公嘗云王勃記  
似俳而唐人貴之如此  
何事往空長江人來逐飛楫短篇竟蕪陋絕景費彈  
壓但當倒罌瓶一醉付江月

次韻道潛南康見寄

一葉追隨魚與龍紅粳白酒幸年豐也知山色遙相

待苦畏君詩欲見攻乘興風帆終日去尋幽蠟屐及  
春同請君先入開先寺待濯清溪看玉虹

車浮并叙

結木如巢承之以簣沉之水中以浮識其處方舟  
載兩輪挽而出之漁人謂之車浮此詩所謂汕也  
與遲适同作車浮詩

寒魚得汕便為家兩兩方舟載小車謀食旋遭芳餌  
誤求安仍值積薪遮情存未免人先得欲盡要令物  
莫加身似虛舟任千里世間何處有罟且

題都昌清隱禪院



北風江上落潮痕，恨不乘舟便到門。  
樓觀飛翔山斷際，松筠陰翳水來源。  
升堂猿鳥晨窺坐，乞食帆檣暮遶村。  
誰道谿巖許深處，一番行草認元昆。  
長老惟是  
胃識子瞻

兄於淨因  
有簡刻石

### 送章戶掾赴澧州

江船不厭窄，船窄始宜行。  
風裏長先過，灘頭一倍輕。  
迎親無惡處，祿養勝躬耕。  
澧上春蘭早，猶堪弔屈生。

### 除夜泊彭蠡湖遇大風雪

莫發鄖陽市，曉榜彭蠡口。  
微風吹人衣，霧遠廬山首。  
舟人釋篙笑，此是風伯候。  
枻舟未及深，飛沙忽狂走。

晴空轉車轂，淥水起岡阜。  
衆帆落高張，斷纜已不救。  
我舟舊如山，此日亦何有。  
老心畏波瀾，歸臥塞牕牖。  
土囊一已從，萬竅無不奏。  
初疑丘山裂，復恐蛟蜃鬪。  
鼓鐘相轟虓，戈甲互磨叩。  
雲霓黑旗展，林木萬弩發。  
曳柴眩人心，振旅擁軍後。  
或為羈雌吟，或作倉兒吼。  
衆音雜呼吸，異出殊圈臼。  
中宵變凝冽，飛霰集飛糝。  
蕭騷蓬響乾，晃蕩牕光透。  
堅凝忽成積，澎湃殊未究。  
紵縞鋪前洲，瓊瑰琢遙岫。  
山川莽同色，高下齊一覆。  
淵深竄魚鼈，野曠絕鳴雉。  
孤舟四鄰斷，餘食數升糗。  
寒虀僅盈盃，腊肉不滿豆。  
弊裘擁衾眠，微火拾薪構。



可憐道路窮坐使妻子詎幽奇雖云極岑寂頃未覩  
一年行將除茲歲真浪受朝來陰雲剝林表紅日漏  
風稜恬已收江練平不縐兩槳舞夷猶連峯吐奇秀  
同行賀安穩所識問癯瘦驚餘空自憐夢覺定真否  
春陽著城邑屋瓦凍初溜艱難當有償爛熳醉醇酎  
正旦夜夢李士寧過我談說神怪久之草草為  
具仍以一小詩贈之  
先生惠然肯見客旋買雞豚旋烹炙人間飲食未須  
嫌歸去蓬壺却無喫

舟中風雪五絕

北風吹雪密還稀雪勢漸多風力微孤棹獨依銀色  
界山川路絕欲安歸

曉風起浪作銀山夜雪爭妍布玉田風力漸衰波更  
惡通宵撼我正安眠

擁纜埋篷不見船船窻一點莫燈然幽人永夜歌黃  
竹賴有丹砂煖寸田

濁醪麕飯不成歡白浪飛花雪作團窻外時來一雙  
鴨浮沉笑我不禁寒

江面澄清雪未融扁舟蕩漾水無蹤篙師不用忽忽  
去遍看廬山羣玉峯



題南康太守宅五老亭

五老高閑不入城，開軒肯就使君迎。  
坐中莫著閑賓客，物外新成六弟兄。  
雲氣飄浮衣袂舉，泉流灑落佩環聲。  
岌然終日俱無語，靜壽相看意自明。

書廬山劉顛宮苑屋壁一絕

山西舊將本書生，歸老巖間未厭兵。  
臥聞布水中宵起，錯認邊風萬馬聲。

雕弓掛壁恥言勲，出入樵漁便作羣。  
五馬親來看射虎，不愁醉尉惱將軍。

肩輿已棄躡風騅，舊物仍存楊柳枝。  
一曲清歌近虎

好五陵故態未全衰

再遊廬山三首

當年五月訪廬山，山翠溪聲寢食間。  
藤杖復隨春色到，寒泉頓與客心閑。  
巖頭懸布煎茶足，峽口驚雷泛葉捰。  
待得前村新雨遍，扁舟應復好風還。

憶自栖賢夜入城，道邊蘭若一僧迎。  
偶然不到終遺恨，特地來遊慰昔情。  
海外聲聞安至此，堂中天鼓為誰鳴。  
忽忽復向深山去，一盞醍醐飽粟罌。

羅漢院有新羅漢

堂中法鼓特大

此山巖谷不知重，赤眼浮圖自一峯。  
芒躡隨僧踐黃



葉曉光消雪墮長松石泉試飲先師錫午飯歸尋下  
寺鐘勝處轉多渾恐忘出山惟見白雲濃

汲陽阻風

鍾陵距池陽相望千里內江神欺我貧屢作風雨礙  
欲投皖公宿三日逢一噫孤蓬面空山朝食淡無菜  
白醪幸餘瀝黃卷漫相對飢吟非吾病疾走老所戒  
焦先近不遠蝸舍聞尚在區區問養生借我一帆快

張嘉祐

道人何為者陽狂時放言寶塔昔所構鐵券今尚存  
餘卽張所言其漫浪難究悉孰知彼根源草庵劣容膝

俯仰拳肩跟無食輒行乞一飽常閉門爾來二十年  
未嘗變寒溫嗟哉豈徒然此意未易言偶來一笑喜  
但恐笑我昏

效韋蘇州調嘯詞二首

漁父漁父水上微風細雨青蓑黃弱裳衣紅酒白魚  
莫歸莫歸莫歸歸莫長笛一聲何處

歸鴈歸鴈飲啄江南南岸將飛却下盤桓塞北春來  
苦寒苦寒苦寒寒苦藻荇欲生且住

至池州贈陳鼎秀才

淮陽學舍舊相依常誦曹溪第一機却到江西心有



悟回看過去事皆非孤舟遠適身如寄二頃躬耕道  
自肥欲看齊山君去否閑中徒侶近來稀

次韻遲初入宣河

遠客安長道低蓬稱小溪雲添濕帆雨舟滯沒篙泥  
草綠耕牛健村深候鳥啼陶翁方作令歸去未成題  
次韻侯宣州利建招致政汪大夫

社甕壺漿接四鄰肩輿拄杖試紅塵慣眠林下三竿  
日來看城中萬井春世上升沉無限事樽前強健不  
賞身經過已足知公政長見車中有老人

次韻侯宣城疊嶂樓雙溪閣長篇

作官如負擔一負當且弛不知息有處安問道遠邇  
我乘章江流却入宛溪水捨舟陟崔嵬行路極旬已  
名都便欲過佳處賴公指仰攀疊嶂高俯閱雙溪美  
不悟身乘空但覺風吹耳雲煙變遙壑歌吹聞近市  
倦遊得清曠行役有新喜公言頃榛穢斬伐從我始  
堰水種蒲蓮開山蒔梅李擁本待成陰養花要食子  
遺風揖柏謝父老邀黃綺邦人魚依蒲食客莪在汜  
春陰迫寒食謂我姑且止嗟余去鄉國屢把刀環視  
感公鵠鷺脩憐我鳧鴨庠異邦逢故人寧復固辭理  
高談雲漢上爛醉笙歌裏落日盡公歡推挽未應起



初到績溪事三日出城南謁二祠遊石照偶

成四小詩呈諸同官

一首謁梓潼廟二首謁汪王廟三首四首游石照

行年五十治立民初學催科愧廟神無恨青山不容  
隱却看黃卷自憐貧雨餘嶺上雲披絮石淺溪頭水  
蹙鱗指點縣城如手大門前五柳正搖春

石門南出衆山巔沃壤清溪自一川老令舊諳田事

樂春耕正及雨晴天可憐鞭撻終無補早向叢祠乞

有年歸告仇梅省文字麥苗含穗欲蠶眠

行盡清溪到碧峯陰崖翠壁盡杉松故留石照邀行

客上徹青山最後重

兩開石照正新磨烏度猿攀野老過忽見塵容應笑

我年來底事白鬚多

縣中諸花多交代江君所栽牡丹已過芍藥方

盛偶寄小詩

偶來山邑便成家慚愧潘生滿縣花想見清樽檻邊

飲尚留佳句壁間誇根株未老年年好豔色方穠日

日加聞道北遊無意味春深河上足風沙

楊主簿日本扇

扇從日本來風非日本風風非扇中出問風本何從

風亦不自知當復問大空空若是風穴既自與物同



同物起空性是物非風宗但執日本扇風來自無窮  
次韻答人幽蘭  
幽花耿耿意羞春  
紉佩何人香滿身  
一寸芳心須自  
保長松百尺有為薪

次韻江法曹山間小酌

高情不奈簿書圍  
行揖青山肯見隨  
綠野逢花將盡  
日清樽迨我正閑時  
簷間雙鷺欲生子  
葉底新梅初  
滿枝笑殺華陽窮  
縣令床頭酒盡只嘔眉

官舍小池有鷓鴣遺二小雛二首

半畝清池藻荇香  
一雙鷓鴣競悠揚  
來從碧澗巢安

在飛過重城  
母自將野鳥似非官舍物  
宰君昔是釣  
魚郎直言愧比奇  
章老得縣無心更激昂

清池定誰主  
鷓鴣自來馴  
知我無傷意  
憐渠解託身  
橋陰棲息穩  
島外往來頻  
勿食遊魚子  
從交長細鱗  
次韻答人見寄

對案青山雲氣騰  
天將隙地養無能  
牕扉迎暑梅將  
溜虛市無人冷  
欲冰寂默忘言  
慚社鷺  
毳毼困睡比  
春鷹深知大府容  
衰病復值年來  
蠶麥登

次韻答人檻竹

猗猗元自直  
落落不須扶  
密節風催展  
清陰月共鋪



叢長傲霜雪根瘦耻泥塗更種愁無地應須翦碧蘆

樂城集卷第十三

樂城集卷第十四

詩八十五首

次韻王存推官見寄

可憐衰病孰為媒私喜鄰邦得雋才玉案愧無酬錦  
繡木瓜却用報瓊瑰風流似欲傳諸謝格律猶應學  
老梅始信山川出才士扁舟新自宛溪來存宣人也

郭尉愿博夫以琳上人書詩為示次韻

勉強冠裳四十餘同官早歲亦山居朝來過我三竿  
日袖有幽僧數帋書家住一廬何計反官供五斗未  
應無聞渠秋後來相訪脫粟藜羹只自如



次韻汪琮監簿見贈

連宵暑雨氣如秋，過客不來誰與遊。  
賴有澹臺肯相顧，坐令彭澤未能休。  
琴疎不辨彈新曲，學廢誰令致束脩。  
慚愧邑人憐病懶，共成清淨勸遲留。

周昉畫美人歌

深宮美人百不知，飲酒食肉事游嬉。  
彈絲吹竹舞羅衣，曲終對鏡理髮眉。  
岌然高髻玉釵垂，雙鬟窈窕葉微宛。  
轉躑躅從嬰兒，倚楹拊楹皆有姿。  
擁扇執拂知從誰，瘦者飛燕肥玉妃。  
俯仰向背樂且悲，九重深遠安得窺。  
周生執筆心坐馳，流傳人間眩心脾。  
飛瓊

小玉雲霧幃，長風吹開忽見之。  
夢魂清夜那復追，老人衰朽百事非。  
展卷一笑亦胡為，特付少年良所宜。  
病中郭尉見訪

偶成三日寒兼熱，知是多聞力未全。  
却問藥王求妙劑，慙非摩詰已虛圓。  
勞公強說脩行漸，顧我方為病垢纏。  
應是床頭有新酒，欲邀佳客故留連。

病後

一經寒熱攻骸骨，正似兵戎過室廬。  
柱木支撐終未穩，筋皮收拾又猶踈。  
芭蕉張王要須朽，雲氣浮游畢竟虛。  
賴有衣中珠尚在，病中點檢亦如如。



復病三首

其一

病作日短至病消秋氣初山深足氣瘴俗儉少肴蔬  
藥亂曾何補心安當自除朝廷閔流落已是脫遷居

其二

寒作埋冰雪熱攻投火湯今生那有此宿業未應亡  
委順一無損力爭徒自傷頽然付一榻是處得清涼

其三

一病五十日復爾當解官不才歸亦樂無食去猶難  
黽勉人應笑低徊意已闌舊師摩詰老把卷靜中看

送琳長老還大明山

身老與世疎但有世外緣五年客江西掃軌謝往還  
依依二三老示我馬祖禪身心忽明曠不受垢污纏  
偶成江東游欲別空悽然緣散衆亦去飄若風中煙

高安三長老與之甚熟別後文老華陽本荒邑緇素  
去洞山聰老六聖壽全老化去

明星懸偶然得老尉舊依育玉山璉公善知識不見  
十九年我昔未聞道問以所入門告我從信入授我  
晉眼篇冉冉百尺松起自一寸根南歸髮盡白尺書  
今始傳不知鄰邑中乃有門人賢百里走相訪觸熱  
汗雨翻懷中出詩卷清絕如斷蟬我適病寒熱氣力



才絲絲空齋默相向欲語不能宣永暇答住意歸錫  
鐔金環空有維摩病愧無維摩言

病退

冷枕單衣小竹床臥聞秋雨滴心涼此間本淨何須  
洗是病皆空豈有方示疾維摩元自在放身南嶽離  
思量病根欲去真源在昨夜夢遊何有鄉

病後白髮

枯木自少葉不堪經曉霜病添衰髮白梳落細絲長  
筋力從凋朽肝心罷激昂勢如秋後雨一度一淒涼

答琳長老寄幽蘭白朮黃精三本二絕

其一

谷深不見蘭生處追逐微風偶得之解脫清香本無  
染更因一嗅識真知

其二

老僧似識衆生病久在山中養藥苗白朮黃精遠相  
寄知非象馬費柔調

次韻侯宣城題疊嶂樓

小邑來時路宣城最近隣樓臺百年舊花竹一番新  
登覽春深日凝思病後身何時對樽酒重為洗埃塵  
初聞得校書郎示同官三絕



其一

讀書猶記少年狂，萬卷縱橫曬腹囊。  
奔走半生頭欲白，今年始得校書郎。

其二

百家小邑萬重山，慙愧斯民愛長官。  
粳稻如雲梨棗熟，暫留聊復為加餐。

其三

病後濁醪都少味，老來歡意苦無多。  
臨行寂寞空相對，不作新詩柰客何。

續溪二詠

豁然亭

南看城市北看山，每到令人意豁然。  
碧瓦千家新過雨，青松萬壑正生煙。  
經秋卧病聞斤響，此日登臨負酒船。  
徑請諸君作佳句，壁間題我此詩先。

翠眉亭

誰安雙嶺曲彎彎，眉勢低臨戶牖間。  
斜擁千畦鋪綠水，稍分八字放遙山。  
愁霖宿雨峯巒濕，笑卷晴雲草木閑。  
忽憶故鄉銀色界，舉頭千里見蒼顏。

辭靈惠廟歸過新興院書其屋壁

來時稻葉針鋒細，去日黃花黍粒麤。  
久病終慙多敞



政豐年猶喜慰耕夫青山片片添紅葉綠水星星照  
白鬚東觀校讎非老事眼昏那復競鉛朱

郭尉惠古鏡

凜如秋月照虛空遇水留形處處同一瞬自成千億

月精神依舊滿曾中

俗言以鏡予人損精神故解之云

歙縣歲寒堂

檻外甘棠錦繡屏長松何者擅亭名浮花過眼無多  
日勁節凌寒盡此生暗長茯苓根自大旋收金粉氣  
尤清長官不用求琴譜但聽風聲作弄聲

邵武游氏老人三清堂紫芝

黑龜赤鳳早逢師白髮蒼顏老不衰丹鼎一丸深自  
秘紫芝三葉却先知煙薰晴日雲容薄色凝秋霜玉  
性奇何日刀圭救羸病盡芟荆棘種交梨

神宗皇帝挽詞三首

其一

稽古堯無作勤邦禹有功政新天地力事改漢唐風  
禮樂寰中盛梯航海外通華封徒有誦龍御忽乘空

其二

承平終不慶付託重艱難統接神孫正人依聖母安  
橋山封劔佩原廟見衣冠萬國纏哀處高陽檜柏寒



其三

取士忘疎賤量書廢寢興  
芻言本何益玉殿最先登  
日角依稀想堯言涕泗稱龍  
稱遠莫及零淚凍成冰  
舟過嚴陵灘將謁祠登臺舟  
人夜解及明已遠  
至桐廬望桐君山寺漂渺可  
愛遂以小舟遊之  
作二絕

其二

扁舟忽草出山來慚愧嚴公  
舊釣臺舟子亦應知此  
恨夢中飛楫定誰催

其二

嚴公釣瀨不容看猶喜桐君  
有故山多病未須尋藥  
錄從今學取衲僧閑

沂潮二首

其一

潮來海若一長呼潮去蕭條一  
吸餘初見千艘委泥  
土忽浮萬斛沂空虛映山少  
避曾非久借勢前行却  
自如天地尚遭人意料乘時  
使氣定麓踈

其二

仄練縈回出海門黃泥先變  
碧波渾初來似欲傾滄  
海正滿真能倒百源流枿飛  
騰竟何在扁舟睥睨又



仍存自慚不作山林計來往終隨萬物奔

贈王復處士

候潮門外王居士平昔交遊遍海涯本種杉松為老  
計晚將亭榭付隣家為生有道終安隱好事來遊空

嘆嗟猶有東牟舊詩卷忻然對客展龍蛇王君舊有園亭子瞻

兄名之曰種德其亭頃以貧故鬻之矣

張暢山人即昔所謂惠思師也余舊識之於京  
師忽來相訪茫然不復省徐自言其故戲作二

小詩贈之

昔日高僧今白衣人生變化定難知故人相見不相

識空怪解吟無本詩

聽誦長江近章句喜逢澄觀已冠巾醉吟揮弄清湖  
水誰信從前戒律人

次韻子瞻送楊傑主客奉詔同高麗僧遊錢塘

人言長安遠如日三韓住處朝日赤飛帆走馬入齊

梁却渡吳江食吳橘玉門萬里唯言九行人淚墮陽

關酒佛法西來到此閒逾滿曾如屈伸手出家王子

身心虛飄然渡海如過渠遠來欲見傾盆雨屬國真

逢戴角魚至人無心亦無法一物不見誰為敵東海

東邊定有無拍手笑作中朝客



寄龍井辯才法師三絕并叙

輒自績溪蒙恩召還將自宣城沿大江以歸家兄  
子瞻以書告曰不知道歛溪過錢塘一觀老兄遺  
迹輒用其言既至吳中迫於水涸不能久留十月  
八日遊上天竺子瞻昔與辯才師相好今隔南山  
不得見乃作一小詩以寄之

我兄教我過東吳遺墨山間無處無忽報冬潮催出  
堰俗緣深重道心龐

山色青冥葉未紅湖光凝碧曉無風行窮上下兩天  
竺望斷南山龍井龍

井水中藏東海魚側盆翻雨洗凡夫隔山欲共公相  
見莫道從來一滴無

元絳參政挽詞

吳越朝天功在民當年卿相亦仁人曾孫終與元豐  
政故老猶知異代因吏治清明開白日文詞俊發吐  
青春鄴都從事堂中客涕灑高原栢子新

過王介同年墓

平生使氣坐生風徐扣方知學有功應奉讀書無後  
忘虞翻忤物自甘窮埋根射策又彌奮投老為邦悍  
莫攻墳木未須驚已拱少年我亦作衰翁

肯與中南  
同登制科



僕年最少  
今已老矣

### 將遊金山寄元長老

麈砂施佛佛欣受怪石供僧僧不嫌空手遠來還要  
否更無一物可增添

元老見訪留坐具而去戲作一絕調之

石霜舊奪裴休笏坐具只今君自留留放書房還會  
否受降曾不費戈矛

元老和示小詩自謂非戰之罪復作一絕并坐  
具還之

請君却領彌天具不欲終收陷虎名莫道昏沉非戰

罪何如不戰屈人兵

子瞻與長老擇師相遇於竹西石塔之間屢以  
絕句贈之又留書邀輒同作遂以一絕繼之

遠老陶翁好弟兄虎溪廬阜又逢迎何須更要經平  
子清議從來貴士衡

高郵贈別杜介供奉

淮南魚米年年賤直便歸休無俸錢錦背圖書何益  
事塵生弦筦正參禪逢人未廢一樽酒送客長隨百  
里船世上得知君自在不須開府事開邊幾先去午  
送家兄子

瞻至高郵今年  
復留此相別



答王定國問疾

五年竄南荒，頑質不伏病。吸清吐濁穢，氣練骨隨勁。  
澹然久忘歸，寂寂就遐屏。國恩念流落，牽挽昇隣境。  
葉舟泝長江，藤鞋過重嶺。峽深薦蘿惡，山嶮崖石橫。  
恢台夏初發，氛霧秋愈盛。菘薤食有時，豚羔詐曾省。  
門開訟氓入，日晏鳩舌競。肝脾得寒熱，冰炭迫晨暝。  
俚醫固空踈，蠻覲劇麤猛。老妻但坐哭，遺語未肯聽。  
長子亦在床，一卧昏不醒。思歸未可得，即死付前定。  
如如性終在，冉冉歲將冷。筋骸稍輕安，冠服強披整。  
餘方厭苓朮，日食禁醪茗。髮衰亂隨櫛，骨瘦空看影。

簿書勉復親，環玦非所請。馬老固伏櫪，槎流舊安井。  
凌兢就輕車，邂逅出脩綆。此生誠夢幻，俛仰成乎慶。  
故人枉新詩，萬里慰孤耿。賞音我非曠，斲鼻君真郢。  
南遷昔所同，臥疾今亦並。遠行信由天，未死庸非命。  
歸舟正飄兀，齋舍念清淨。作書附鴻翼，去路瞻斗柄。  
聞水漸安流，吳音未全正。一樽對清言，及此冬夜永。  
和子瞻次孫覺諫議韻題卻伯間上斗野亭見

寺

扁舟未遽解，坐待兩闌平。濁水汙人思，野寺為我清。  
昔遊有遺咏，枯墨存高薨。故人獨未來，一樽誰與傾。



北風吹微雲莫寒依月生前望邦溝路却指鐵甕城  
茅簷卜茲地江水供晨烹試問東坡翁畢老幾此行  
奔馳力不足隱約性自明早為歸耕計免慙老僧榮

僧榮斗野主人也子瞻將卜居丹陽蒜山下此亭正當歸路故云尔

次韻于瞻題泗州監倉東軒二首

肩輿孑孑渡浮梁吏隱知君寄一倉十里遙看飛阜  
蓋小軒相對有壺漿清宵往往投車轄水日霏霏散  
篆香留滯淮南久仍樂莫年何意復為郎

萬斛塵飛日為霾無心退食自成齋梅生紅粟初迎  
臘魚躍銀刀正出淮眎病空看帆度磧誦詩猶記空

填堦夾河南北俱形勝且借高城作兩崖

答顏復國博

歲晚河冰留畫船一軒脩竹喜蕭然詩詞溫厚新成  
格道論精微近入禪病後不勝清醕釀別時仍得舊  
書傳欲成古史須咨考陋巷何因接尺椽

次韻王定民宣德

彭城寺壁看詩來顏氏瓢樽偶共開茅屋未完先鑿  
沼竹林成後想宜梅新詩妙絕難為繼高論微低得  
共陪第一詞人生不識茲行尚喜揖君才

河水



扁舟多艱虞與我平日類初乘滂洋流旋涉凍淺地  
日西陰風作夜半流漸至悄然孤寂枕覺此凝冽氣  
河聲噤不喧燈花結復墜忽來觸舟去聲與裂帛似  
平明發窓扉吏卒彊未起奔騰陣馬過洶湧晴雲駛  
紛紛散環玦卷卷浮席被匯流忽騰蹙曲岸相撐抵  
歌危起丘山汗漫接州汴連艘恣凌輻千槌競紛委  
剛強初悍頑潰散終被靡掃除就虛曠沿沂弄清泚  
我行無疾徐乘流得坎止偶然迫還期愧此墮十指  
陰陽有定數開塞亦常理窮冬治舟行嗟此豈天意  
復賦河冰四絕

客心凜凜怯寒冰擁褐無言夜漏深河伯似知歸意  
速風號西北故相禁

春來歸夢劇飛鳧夜半流漸擁舳艫似勝去年彭蠡  
口雪封廬岳浪翻湖

朝來縣令借長船仍遣千夫上下牽不惜瓊瑤分衆  
手貪看雲片滿河堧

輕紈破碎珮環流顛倒鐙鳴亂觸舟解紼段篙曾不  
顧不知何處擁汀洲

河冰稍解喜呈王適

留滯江湖白髮生西歸猶苦凍崢嶸春風未到冰先



解河水初深船自輕去國偶然經  
晝夢逢人稍欲問  
都城羈鴻共有成行喜雙鯉  
應將尺素迎

河冰復結復次前韻

懊惱河冰散復生徂年近已失  
崢嶸身留短舫厭厭  
睡目送飛鴻一一輕引綵低  
徊疑上坂打凌辛苦甚  
攻城東風憐我歸心速稍變  
揚梢百里迎

題南都留寺妙峯亭

我登妙峯亭欲訪德雲師  
春陽被原野灘渙含流澌  
未復桃李色稍增松桂姿  
子子東來檣冉冉將安之  
萬物委天運此身免奔馳  
悵然懷舊遊一丘覆茅茨

清冷久沮洳文雅空頽隳  
快攜二二子醉倒春風吹  
不見妙峯處安知德雲期  
南遷久忘反有獲空自知  
歸來覓新構恍然發深思  
遠行極南海此地初不移  
酌我一斗酒盡公終日嬉  
德雲非公歟相對欲無詞

次韻發蓮路昌衡淮南見山堂

疊石初成得賜環木應苔蘚上  
蒼顏據鞍華岳旌旄  
衰回首淮山夢想間  
烽火日傳西塞前  
丘陵應伴壯  
心閑終南太白皆公有  
肯向庭中更作山

送戴朝議歸蜀中

岷山招我早歸來  
劍閣橫空未易回  
北叟忽驚鷓鴣



晚西轅欲及海棠開避仇賦客新耕未因亂詩翁著  
酒杯但愛江山無一事為言父老莫相猜

後省初成直宿呈子瞻二首

掖垣初罷斧斤響棟宇猶聞松桂香江海暫來俱野  
客雲霄並直愧華堂月明似與人煙遠風細微聞禁  
漏長諫草未成眠未穩始知天上極清涼  
射策當年偶一時對床夜雨失前期廬間還往無多  
地夢裏追尋亦自疑螭墨屢乾朝已久囊封希上出  
猶遲茅筓半破松筠老歸念蕭然欲語誰

次韻子瞻送陳睦龍圖出守潭州

海上石橋餘折棟大舶記君過鐵甕東行萬里君乘  
空老蜃長鯨應入鞞波搖風卷卧不起免教髀肉鞍  
磨痛歸來過我話艱苦驚汗津津尚流汞海涯風物  
畫成圖錯落天吳兼紫鳳至今想象隔人事往往風  
濤吹畫夢長沙欲往厭飛楫幸有千兵作迎送文章  
清逸世少比科第崢嶸聲自重遠行屢屈衆所歎出  
祖誰攀車故動明朝鼓角背王城莫聽單于吹曉弄

子瞻本使三韓輪時在南  
都見其往返故此詩言之

送千之姪西歸

京洛東遊歲月深相逢初喜解微吟夢中助我生池



草別後同誰飲竹林文字成家憐汝在風流似舊慰  
人心便將格律傳諸弟王謝諸人無古今

駕幸親賢宅贈隨駕諸公

日日南風夜氣煩一聲鳴蹕萬人看禁溝飛水清黃  
道涼殿分冰遍從官急雨未成昏觀闕微颺稍覺泛  
和鑿相看揮汗塵埃裏散髮何人舊不冠

次韻子瞻飲道者院池上

雨氣涼侵殿河流滲入池黃梁瀹魚子白酒瀉鵝兒  
風細初生袖塵清免汗眉郊行不意得拂壁看題詩  
答孔平仲惠蕉布二絕

裘葛終年累已輕薄蕉如霧氣尤清應知浣濯衣袿  
敗少助晨趨萃蔡聲

燈籠白葛扇裁紉身似山僧不似官更得雙蕉縫直  
掇都人渾作道人看

次韻朱光庭司諫喜雨

焦枯連夏火洗濯待秋霖都邑溝渠淨郊原黍豆深  
流膏侵地軸晴意動風琴誰似臣居易先成喜雨箴  
次韻光庭省中書事

放浪江湖久情慵安排誰置從官中鹿蹊空與廷和  
對開納初還正觀風二鄙兵銷真帝力四方雨足自



天功時將一勺傾滄海漫使人知達四聰

送張恕朝奉南京簽判二首

楚蟹吳柑初著霜梁園官酒試羔羊老如計相非無  
齒清似留候未却糧杖屨稍通賓客過般疏要遣子  
孫嘗詔書委曲如公意幕府新除朱紱郎

朱紱還家罷倚門留都無事最宜親下車趨走驚隣  
舍決獄平反慰老人相見只今多邂逅舊遊他日半  
埃塵何年重起扁舟興會作東湖十日賓

送賈訥朝奉通判眉州

歸念長依落日邊壺漿今見送新官聲傳已覺謳歌

遍身到前知政令寬民病賢人來已暮時平蜀道木

無難明年我欲脩桑梓為賞庭前荔子丹

眉州作廳  
權有荔枝

二株  
甚大

次韻黃庭堅學士狂毛筆

不悟身邊一斗紅聖賢隨世亦時中何人知有中書  
巧縛送能書陳孟公

李誠之待制挽詞二首

脫遺章句事經綸滿腹龍蛇自屈伸南駕威聲傳絕  
域西征舊恨失姦臣空留諫疏驚顏靡終託詩詞話  
苦辛直氣如雲未應盡一雙嗣子亦駢麟



濟南風物在西湖湖上逢公初下車談笑樽前伏齊  
虜旌旗門外聽除書一封未奏先焚草三黜歸來便  
種蔬淡落西堂歌酒地杉松空見歲寒餘

司馬溫公挽詞四首

白髮三朝舊青山一布衾封章留帝所德澤在人心  
未起謳吟切來歸故託深楊公不文付天意定難忱

又

決策傳賢際危言變法初紛紛看往事一一驗遺書  
富貴終何有清貧只自如西州不忍過行哭便回車

又

區區非為已懇懇欲亡生力盡心終在身忘勢亦成  
遺民挽劍戟故老半公卿魏丙生前友俱傳漢相名  
又

少年真猶淺射策本麤疎欲廣忠言地先收衆棄餘  
流離見更化邂逅捧除書趙孟終知厭他人恐罵予  
送表弟程之元知楚州

與君外兄弟初如一池魚中年雲雨散各異澗谷居  
客舍復相從語極長歛歛青衫奉朝謁白髮驚晨梳  
百年不堪把一樽歡有餘清言我未厭昨夜聞除書  
淮南早已久疲民食田蔬話發上供米仍疏占邗渠



要須賢使君均此積歲儲徑乘兩漿去不待五馬車  
別離難重陳勞徠不可徐政成得召節歲晚當歸歟  
送王震給事知蔡州

朝廷入忘返冠蓋如雲屯賢哉貴公子獨以民社言  
西臺出命書落筆波濤翻東臺典封駁坐惜日月奔  
試劇得上蔡高卧強東藩早歲獨多麥時雨如傾盆  
鈴軒省鞭扶幕府多壺樽逡巡文字樂斥去簿領煩  
賜環行當至坐席恐未溫三槐口成陰富貴屬曾孫

送王廷老朝散知虢州

滿腹貯精神觸手會衆理一廢十五年直坐才多爾

我昔遊宋城憶始識君子簿書填丘山賓客亂蜂蟻  
出尋城下宅屢疑床前履清談如鋸木落屑紛相交  
解頰自有樂置酒姑且止逡巡破黃封婉婉歌皓齒  
風高熊正白霜落蟹初紫夜闌意未厭河斜客忘起  
歸來笑僮僕熟醉未曾爾江湖一流蕩歡意日頽弛  
西還經舊遊相逢值新喜詔催西州牧門有朱轡柅  
都城挽不住山賊近方後提刀索崖谷拔梓動閭里  
居家百無與王事非有已何日却休官復飲梁王市  
送魯有開中大知洛州次子瞻韻

仲連雖不仕而非綺與園逡巡笑談間屢解戰鬪繁



子敬識二孫長揖鼓鞞喧意氣感周郎振策起江村  
二賢繼英風千載為高門曾孫事仁祖風義夙所敦  
臺閣餘故事父老稱遺言白髮識公子十載友元昆  
婆娑久不試俛仰色逾溫五馬忽嘶鳴朱輪夾紅軒  
旌旄隔河至部曲幾人有銅虎不可留芻狗行當燔  
秋潦決河防遺黎化驚魂憂心念千里何暇把一樽  
西城叩門別南風吹帽翻嗟我限出謁未敢逾短垣  
新晴水尚壯想見民驚奔安得萬丈堤止此百里渾  
姑爾救一境誰當理其源百聞貴一見尺書為我論